

մերմէ հրամանէ օժանդակեացի գլխաւոր սատարութեամբ ընտանեկան ընչից » • Վարդ Սրբոց • Գ. 479 :

Զայսպիսի ընտանութիւնս ունէին յայնժամ Հռոմայեցիք առ Արշակունի հայս , և այսպիսի եղանակաւ սկիզբն արարին շինել զՍ . Տեղիս յերուսաղէմ իբրեւ Կայար եւ Թագաւոր տիրողք ազգաց և ժողովրդոց , և կամ իբրեւ հարք հասարակաց , յորս անխտիր կատարել գիտէին ըզպաշտամունս ընդհանուր քրիստոնէից : Աստի յայտնի երեւի թէ ոչ 'ի սեպհականութիւն միոյ ազգի և ժողովրդեան շինեցան Ս . Տեղիքն , այլ ընդհանուր քրիստոնէութեան : Եւ 'ի սմին անխառն բարեպաշտութեան դարու , լցաւ Պաղեստին եկեղեցեօք եւ վանօրէիք ամենայն ազգաց 'ի պարծանս քրիստոնէութեան , անխտիր պաշտել զԱստուած կենդանի առանց քննելոյ զիւրն և կամ զընկերին : Սակայն 'ի կէս հինգերորդի դարուն՝ յորում գումարեցաւ ժողովն Քաղկեդոնի , առաջին երջանկութիւնն փոխեցաւ 'ի թշուառութիւն . անկաւ խտիր 'ի կրօնս ազգաց , անկցելի երկպառակութիւն եւ բաժանումն 'ի մէջ եկեղեցւոյ , սատակացաւ ոգի առելութեան և տենչանք տիրապետութեան նաեւ 'ի Ս . Տեղիս , մինչեւ հալածել զկրօնաւորս և յախշտակել զվանօրայս նոցին :

### Գ Լ Ո Ւ Խ Ը .

Վիճակ Եկեղեցւոյ : Կերեզ Երուսաղէմացի : Երեւումն Սրբոց Խաչն յերկինս : Յուլիանոս և հակառակութիւնք նորին ընքդէմ Քրիստոնէից • և սատակումն նորին 'ի Պարոս :

**Ե**ԿԵՂԵՑԻ Քրիստոսի իբրեւ նաւ ալեկածեալ յանդրին ծովու տատանէր եւ տագնապէր յերեսաց դառնաչունչ հողմոց և խռովայոյզ մրրկաց Արիանոսաց և այլ ազանդաւորաց ժամանակին : Քանզի 'ի մեռանել Մեծին Կոստանդիանոսի՝ թագաւորեաց յարեւելս որդի նորա Կոստանդիոս . ընդ այլ եպիսկոպոսաց աքսորելոց՝ դարձաւ և Ս . Աթանաս յաթոռ իւր յԱղէքսանդրիա ( 340 ) : Սակայն յետ սակաւուց Կոստանդիոս ջատագով և պաշտպան